

## Vorred.

so haben sie doch herwiderumb oft vñ manch mal an geringsten stücken mangel/ als am süßen brunen wasser/ an brodt/ an wein/ an holtz/ an fleisch/ an gemüß/ an gesunden lufft/ vnd vilen andern gemeinen dingē/ deren wir genüg vñ vberflüssig in vnserm Teütschen land haben vnd bekommen mögen.

Vmb gemelter vrsach willen/ hab ich gegenwertige Speißkammer mit allerhand/ was zur leibs noturfft gehörig/ mit fleiß versehen/ zü bereit/ vnd mit Teütscher wahr außgerüstet. Erstlich E. F. Gnaden zü ehren vnd gefallen/ darnach allen Teütschen so eins erbaren gemüts vnd verstandts seind / zü güte vnd wol fart durch den Druck ans liecht gestelt vnd außgehen lassen/ gütter züuersicht etwas nutz/ wa nit bei allen/ doch bei vilen/ die solche außbereitete kāmmer sehen werden/ geschafft soll haben/ sonderlich wenn sie den angewendten fleiß an die gemeine bekantliche ding sehen werden. Als nemlich vom ongesunden lufft/ wie der selbig mit künsten möge gebessert werden / deßgleichen welche wasser dem menschē am aller bequemsten sein/ Auch was für wunderwerck im feur/ in den lufften/ auff der erden/ vnd darunder/ war zünemen. Ober das alles stellen wir den Teütschen/ des teütschen erdrichs vermögen klar vnd augen / als speiß vñ dranck/ fisch vnd fleisch/ alle gewächs/ gewandt/ ertz vnd anders/ ob villeicht ire zum teil auß solchen geschöpffen Gott den herren möchten lernen erkennen/ vnd die andere so erkantnuß haben / Gott dem allmechtigen für solche wolthat lob vnd danck sagen.

Das aber E. F. Gnade vor andere dise Speißkammer

A iij